



830997

退補齋詩存目錄

卷十三

今體詩

鄂中送王鶴樵觀察之秦

贈張鹿仙觀察

監利王子壽比部寄漆室吟及樞言等書即見

贈原韻答之

再疊前韻贈子壽

和子壽贈小園賞花詩三疊前韻

退補齋詩存目錄卷十三

一

退補齋藏板

東皖中丁恬生觀察

贈王夢崧觀察疊前韻

花園山九日登高同行者李玉階王夢崧何芷舫

楊笠生諸觀察

丁卯冬月初六日三兒宗荆生喜賦

六首

輓寧遠楊笠生觀察

四首

戊辰正月二十四日四兒宗楚生

三首

次張鹿仙觀察用伍嵩生太史原韻

原詩十首今存其八

十九日偕鹿仙玉階招嵩生小飲即席三疊前韻

贈之



贈何白英觀察四疊前韻

二十日約嵩生鹿仙次日游晴川閣夜聞雨聲恐
不果往五疊前韻

二十一日天氣新晴偕嵩生鹿仙游晴川閣畢陳
仲耦太守招飲六疊前韻

偕嵩生白英鹿仙三君游長春觀七疊前韻

游卓刀泉懷古九疊前韻

送伍嵩生太史之金陵十疊前韻

送徐鑑塘廣文親家回里二首

退補齋詩存目錄卷十三

二

退補齋
藏板

雁字四首

端陽悶雨贈鹿仙

劉幹臣軍門寓書並寵以詩依韻奉答

幹臣統領忠義全軍紀律嚴明再疊前韻奉贈

讀幹臣梅花詩鈔三疊前韻

重修正覺寺幹臣允捐金以成善舉四疊前韻

題王樂山明府暨理齋貳尹忠孝錄四首

咏物雜感十二首

木筆
梧桐

紫微
桂花

湘蘭
冬青

藤蘿
古柏

芭蕉
海棠
池荷
新竹

次金眉生都轉見贈原韻即席答賦二首

贈何白英再疊前韻 二首

贈金眉生三疊前韻并東白英鹿仙 二首

眉生時將東歸四疊前韻贈別 二首

退補齋詩存目錄卷十三

三

退補齋
藏板

春主報洪東誠四疊前韻 二首

觀金眉生三疊前韻并東白英鹿仙 二首

觀何白英再疊前韻 二首

退補齋詩存卷十三

今體詩

永康胡鳳丹月樵

鄂中送王鶴樵嵩齡觀察之秦

皖江回首憶瞻荆促膝談心倍有情蓮幕飽看花十載

從彭宮保幕中最久萍蹤同證石三生書從得間窺真諦話到投

機見至誠一領征袍猶未卸皇皇奉詔壯西行陝督

楊宮保奏調

贈張鹿仙炳堃觀察五月七日

申江小住結苔岑翦燭西窗夜話深霉雨飄零游子淚

退補齋詩存卷十三

一 退補齋藏板

薰風噓拂故人心一身仙骨清於玉半曲梅花夏似金

願着先鞭追祖逖馳驅四牡咏駸駸

監利王子壽柏心比部寄漆室吟及樞言等書即

用見贈原韻答之

一枝夢筆競生花圓比珠璣燦比霞叔重宏才賅博雅

淵明高格謝繁華詩成漆室吟囊富序製晴川淡墨斜

晴川閣告成君作序文以識之遲我識荆今更健十年前已令名加咸豐

初赴都供職已聞君名

再疊前韻贈子壽

一雙老眼信無花漫詡當筵賦落霞祇欲循名求責實
羌無踵事漫增華籌添鶴髮金萱茂太夫人年逾九旬春到螺
鬟碧柳斜隱居螺山學富伏生才富史勸君餐飯且勤加

和子壽贈小園賞花詩三疊前韻

地行仙會賞秋花

日前君與何文小園賞菊君年六十有九雲咳文年七十有六點玉

浮金醉泛霞座上耆英推洛社殿中人物是金華雄詞
倒峽源彌壯勝侶飛觴月正斜我向南豐伸拜祝臨風
惟有辦香加

東皖中丁恬生峻觀察

退補齋詩存卷十三

二

退補齋藏板

雄才磊落本非凡粲粲高冠翠羽銜雲可為霖初出岫
風當遇順好開帆韜鈴萬卷材無敵總理團防營務處荊棘千
山蔓未芟遲客江干天欲暮小巫書向大巫緘

贈王夢崧

熙細

觀察壘前韻

久典樞曹志不凡新披豸繡換頭銜

兵曹供職同部六年

我甘伏

櫪頻迷路君本同舟早挂帆莼菜懷鄉勞軫結蓬蒿掩
徑懶鋤芟殷勤記否當年別多少音書帶淚緘

花園山九日登高同行者李玉階王夢崧何芷舫

楊笠生諸觀察

風風雨雨又重陽
萍水因緣話異鄉
誰奮魯戈留去日
陡驚潘鬢綴新霜
江流東去難淘恨
秋色西來易病狂
結伴登高豁吟眺
花園山畔菊初黃

丁卯冬月初六日三兜宗荆生喜賦

蘭芷芊芊綠滿庭
生兜何敢詡甯馨
回頭已近無聞日

十五年來添一丁

次兜生後已十五年

疊中副車第七科
忽登乙榜喜如何
人心大約都相似
不厭兜多厭女多

占得犧經艮一爻
喃喃新燕又來巢
愛憐少子尋常事

退補齋詩存卷十三

三

退補齋藏板

舐犢何妨自解嘲

莫笑枯楊長綠稊
漫從繞膝判高低
棣華本是同根樹

肯負前妻慰後妻

前鄭氏生二子今宋氏生一子

崢嶸頭角楚中生
初度三朝始命名
見說山川能毓秀

排行肇錫曰宗荆

家乘均以宗字排行

卯月卯時兼卯年
量圭測影晷無偏
誰知笏節承恩日

恰是豚兜墮地先

是日卯時王夔石廉訪接篆何小宋方伯賀余云當夔石拜印之時適麟

趾呈祥之日可為此子預賀

輓甯遠楊笠生儷珍觀察

記從鄂渚快班荆磊落襟期邁衆英清白半生延世澤
循良兩字重臺評駉驢倚新形影松竹梅聯古性情
三載同舟期共濟長君一日愧稱兄

昂藏七尺狀魁梧塊壘澆胸酒百壺君狀貌豐偉尤豪於酒涓滴

何曾歸篋笥寬容不肯較鎔銖徐公座上清談永羊子

山頭別淚濡漢碣秦碑俱搨遍有誰博雅似君無君嗜古碑

帖尤工書隸

霽月光風我所師素心晨夕寫相思持籌願展飛芻策

君與余同辦牙釐總局事刻燭還成絕妙詞同人唱和退鷁飛遲題

退補齋詩存卷十三

四 退補齋藏板

塔路鄉闈屢薦未售由廩貢捐授道員靈鷲駕促試燈時戊辰正月十日仙逝

長教泉下留遺憾未報南豐一日知君荷曾官保知遇甚厚

逝水年華四十三無端鶴馭迅飛駿篋管鄉淚彈湘水

楊柳春愁繫漢南繼述一經推小阮以姪宗僑承桃趨承千里

是奇男君彌留時適令姪吉人農部由甯遠赴都會試過鄂返魂何處尋靈藥空

對青青雪後嵐

戊辰正月二十四日四兒宗楚生

侵晨喜報鵲聲諳一紙佳音達漢南是日余宿漢皋次日得兒生信獨

向百花頭上茁官梅閣下草宜男

去年蘭夢協休祥三兒於去年冬月生棠棣同根色競香未了今

生兒女債課書課織一齊忙

生兒莫要忒聰明大半聰明誤此生愧我讀書艱一第

盼他跨竈博功名

次張鹿仙炳莖觀察用伍嵩生肇齡太史原韻

知己相逢溯丁未京外僚舊惟丁未科最多由來八座屬文昌池塘

春草吟詞苑君與令兄海門侍講前後入翰林鱗甲秋風墮戰場余南北鄉

試十次不售烽火心驚秦隴上鄉關信杳聖湖旁北省軍情近無確耗

浮雲富貴非吾願故態依然似昔狂

退補齋詩存卷十三 五 退補齋藏板

十九日偕鹿仙玉階招嵩生小飲即席三疊前韻

贈之

愧乏嘉穀款嘉客相逢氣象見光昌夜深醉月藤蘿架

年少登雲翰墨場丁未入詞林者君年最少錦水遙環珂里曲君歸蜀十

六年香煙夙侍玉皇旁獨留佳話傳丁未舊雨新知喜

欲狂

贈何白英觀察四疊前韻

歡佩聲華桑梓誼微紅柏綠競蕃昌同鄉王耕娛方伯鄭譜香廉訪君與

余及鹿仙觀察在楚者共五人寓公泛宅經三載余自丙寅來鄂今三年矣老將登

壇又一場

君由京察出守襄陽旋告終養十餘年乃出

立業今期麟閣上論

交昔侍鯉庭旁

與哲嗣子白交最久

泰山北斗名同仰樽酒談心

恕我狂

二十日約嵩生鹿仙次日游晴川閣夜聞雨聲恐

不果往五疊前韻

傑閣凌霄高百尺左縈南岳右南昌江山訪古胸千載

風雨愁人夢一場兩字殘碑雲路側

黃鶴樓有雲路碑相傳曹孟德書

半堤芳草月湖旁登臨好待天開霽童冠偕游許點狂

二十一日天氣新晴偕嵩生鹿仙游晴川閣畢陳

退補齋詩存卷十三

六

退補齋藏板

仲耦太守招飲六疊前韻

今日無風復無雨晴明景物兆繁昌鳳凰山抱臨江堞

漢陽郡署後有鳳凰山山畔城垣周匝

鸚鵡洲開鬪草場柳色低迴湖水

曲

由月湖堤渡漢

茶香新擷洞庭旁

鹿仙觀察出君山茶共飲

季方才濟元

方美低首相逢不敢狂

謂陳伯雙仲耦昆仲

偕嵩生白英鹿仙三君游長春觀七疊前韻

證果偶來清淨地紫薇光照道遐昌

龕供紫薇上帝輒塵十里

遊仙路舊夢三生選佛場

嵩生鹿仙白英各由科甲通籍今忽數十年矣

夜

雨重泉千樹杪夕陽遺墨萬山旁

洪山為近年駐軍處遺墨猶存閒官

無事貪行樂不厭詩狂與酒狂

游卓刀泉懷古九疊前韻

堂堂廟貌千秋肅捧日忠扶漢業昌天險崎嶇吳蜀界
地靈呵護甲兵場嘶風馬渴奔泉側偃月刀寒卓道旁
一勺清泠憑弔古沁脾為我助詩狂

送伍嵩生太史之金陵十疊前韻

從來人物推西蜀學術高於楊仲昌容我猪肝供旅館
讓君牛耳執詩場蘭橈翠擁吳山上柳眼青垂漢水旁
醉拍銅琵琶唱東去一帆風送謫仙狂

退補齋詩存卷十三

七 退補齋藏板

送徐鑑塘汝銓廣文親家回里

平生臭味兩相投文陣爭雄據上游萍水蹤浮雙屐齒
藥籠秀擢百花頭安陸荆州漢陽等屬聘閱試卷得士甚多楚吳夢隔三千
里秦晉歡聯廿六秋兩地聯姻今已二十六年來在春前逐春去落

梅五月不勝愁君於客臘來鄂五月歸浙

紫藤花接碧梧陰半載連襟又判襟東海乘槎天際影

君於二十九日航海而歸西窗翦燭客中心盤餐首藉官非冷室入

芝蘭味最深黃鶴樓頭留後約何時把酒漢江潯

雁字

載飛載下界塵寰金掌秋高新月彎格磔禽言通幾字
糝糊烏篆印千山寫來雲漢空青色題徧江湖落葉間
午夜銜蘆工點綴晴空隨意任爛斑

瘞鶴籠鵝體不乖長空尤喜擘窠排劃沙透爪疑垂薤
畫日梳翎想折釵黯淡秋江真拓本縱橫晴雪舊生涯
世間贖鼎知多少古壁橫斜篆笑螭

端陽悶雨贈鹿仙

風雨端陽節萍蓬旅客愁一家羈鵠渚四度看龍舟且

耐泥塗辱

是日荷參歸
衣履盡溼

能無裋褐羞蒲觴聊盡醉行止

退補齋詩存卷十三

八

退補齋
藏板

問江鷗

劉幹臣

維楨

軍門寓書並寵以詩依韻奉答

慕韓雖早識荆遲為效松齋急訪支別後傳書魚腹遠
詩中有畫虎頭癡苔岑臭味聯今日鐘鼎勳名冠一時
儒將風流當代重皇華四牡載驅馳

幹臣統領忠義全軍紀律嚴明再疊前韻奉贈

當年周道賦逶遲手障狂瀾一力支橫掃蠻軍供睥睨
苦吟驢背笑欬癡高樓修鳳超流輩畫閣圖麟待異時
競喜將軍天上落堂堂八陣雨風馳

讀幹臣梅花詩鈔三疊前韻

梅落江城五月遲年年鶴守俸頻支巡檐快索詩人笑
訪豔渾同處士癡對酒當歌屯甲地暗香疎影據鞍時
一枝為寄春消息付與紅塵驛使馳

重修正覺寺幹臣允捐金以成善舉四疊前韻

新栽祇樹著花遲歡喜因緣證辟支渡海登航知佛普
沿門托鉢笑僧癡曾經面壁三年久余寓與正覺寺僅隔一牆募修之志
三載乃償已是為山九仞時試上鶴樓望江北飛蛺應共羽

書馳

退補齋詩存卷十三

九退補齋藏板

題王樂山明府暨理齋貳尹忠孝錄

黃巾十萬梗豺狼間道崎嶇達武昌捧檄何曾辭險阻
登陴誓與共存亡靈鐘星嶽生非偶氣壯山河死亦香
悽絕烏鳶紛啄肉竟無馬革裹沙場

元龍湖海氣如虹下筆千言倚馬雄教胄后夔趨

關北公曾充左翼宗學教習能文韓洎噪江東紫陽正誼兩書院課藝所選公作極

多一生言行資坊表兩字綱常懍孝忠取義成仁完大

節元精耿耿貫蒼穹

鄂渚招魂淚未乾英靈縹緲葬衣冠髑髏血染千燐碧

霄漢心懸一寸丹，夜月騎鯨吳水濶。
春風控鶴楚天寒，年年鸚鵡洲邊草。
杜宇啼時聽更酸。

大府文章顓，九重頭銜疊。晉大夫封所生無忝兒，
能夠視死如歸僕。亦從正氣長留文，信國孤忠不媿段。
司農 溫綸五色專祠赫俎豆馨香百代宗

咏物雜感十二首

大暑後二日炎歎逼人百感交集借小園花木
十數種各賦一詩蓋三百篇之比興體也

本來仙骨自珊珊，五色花從夢裏看。
一自董狐存直筆

退補齋詩存卷十三

十 退補齋藏板

千秋奸佞膽猶寒 木筆

花閒月浸一池波，到眼迷離認欲訛。
我學尼山心惡紫，從來間色奪朱多。
紫薇

風雨湘江弔汨羅，美人芳草奈愁何。
好紉香佩臨秋水，未讀離騷恨已多。
湘蘭

滿架濃陰雨乍晴，牽來補屋綠縱橫。
卻嫌葉底多鰈鰒，不斬枝柯總不清。
藤蘿

高枝百尺夜眠琴，葉底孤蟬杳莫尋。
縱是鬢餘留尾在，人生能得幾知音。
梧桐

亭亭風格小山孤
辣性同薑老更腴
金粟滿園休鬪富

防他惹說謗明珠

桂花

仙柯不改四時青
暑往寒來歲幾經
經歷盡風霜兼雨雪

羞隨凡卉望秋零

冬青

參天鐵幹聳千尋
風雨深山孰賞音
松竹梅花三友在

與君同話歲寒心

古柏

碧紗窗外午陰稠
舒卷如雲氣欲秋
昨日聽風今聽雨

惱人多半是離愁

芭蕉

金屋藏嬌願未灰
寒梅聘得一枝來
仙姿不怕梨花壓

退補齋詩存卷十三

十一

退補齋藏板

紅燭高燒睡醒纔

海棠

葉葉青如萬選錢
嫣然初日映花妍
怪他打鴨偏多事

驚起鴛鴦不敢眠

池荷

千畝橫胸不染塵
虛心直節兩無倫
坐中佳士曾餘幾

對此真慚肉食人

新竹

次金眉生

安清

都轉見贈原韻卽席答賦

風味寒酸野蕘麤
勸君漫賦東歸圖
世無知己非關傲

家有藏書足自娛

君有乞食餘錢尚買書之句

曲澗難容湖水濶羣

山皆小一峯孤古來管鮑曾餘幾
危者能持顛者扶

昔年王事獨賢勞未肯聲名挫一毫當代名卿誰伯仲
從來造物忌英豪胸襟雪亮明如月舌本瀾翻幻似濤
愧我不才傷老大手搔兩鬢感霜毛

贈向白英再疊前韻

傀儡登場面目麤年年空看選官圖得來餽粥談何易
除卻琴書意罕娛膠漆互投交最摯駉蚤相倚道非孤
浮沈宦海茫無岸賴有同舟手共扶

辛苦持籌兩載勞寸衷坦白判分毫羣賢滿座心情洽
老將登壇氣象豪異地雲停聯縞紵一江風靜息波濤

退補齋詩存卷十三

十一

退補齋
藏板

頻叨下問虛前席不鄙芻蕘等蠅毛

贈金眉生三疊前韻并柬白英鹿仙

愧我樗材情性麤頻年慣作卧遊圖離情梓里滄桑感
楔事蘭亭視聽娛遲我論交三徑暮從君問字一燈孤
欣逢舊雨兼新雨雄辨高談兩董扶

謂君與白
英觀察

海內名流屬望勞萬言倚馬快揮毫功名坎珂心能降
事業英多氣亦豪何幸謝任交范泰相逢嵇阮憶山濤

余與白英鹿仙三人
公錢鹿仙因病未至南陽雖好休高卧會待絲綸賁鳳

毛

眉生時將東歸四疊前韻贈別

橫掃千軍膽力羸毫端書就練裙圖

題古墨蹟及成少保手卷

煙雲

過眼都如寄經籍羅胸足自娛漢上題襟三友在

白英鹿仙

與余皆浙人也

雲端望月一輪孤招涼幸有綠天陰花影滿身

雙袖扶

遨遊湖海竟忘勞夢筆花生五色毫論事畧如同甫策

高吟不讓謫仙豪襟懷高曠雲間鶴氣概恢宏海上濤

今日魂銷江渚柳一帆風順遇鴻毛

退補齋詩存卷十三

十三

退補齋藏板

退補齋詩存目錄

卷十四

今體詩

己巳重修鄂垣正覺寺落成誌感 四首

病中口占 三首

何小宋方伯由楚北調授晉藩作此贈別 四首

丁卯冬張子衡方伯赴甘泉任道出鄂江以鐵瓶詩鈔見贈次年冬養疴歸里復過鄂又贈新詩

一卷作此奉贈 二首

退補齋詩存目錄卷十四

退補齋藏板

長至日待漏敬賦 思親疊前韻

憶友再疊前韻 訓子三疊前韻

次王子壽比部見贈原韻卻寄

己故王樂山太守入祀江夏專祠並其子燮僕人

丁貴吳福壽附祀 四首

孟春杪正覺寺新栽楊柳車竹君廣文賦詩見贈

卽次原韻奉答 四首

和漁叟正覺寺種柳原韻並東王若農觀察 二首

和白英觀察餞春首唱原韻

疊前韻贈張鹿仙
鹿仙再疊前韻贈彭漁叟

三疊前韻簡漁帆白英鹿仙諸公
鹿仙

荷花生日二首
午日和彭漁叟五月菊

擬李白玉階怨
擬李端拜新月

擬劉長卿彈琴
擬賈島尋隱者不遇

題汪荅坨徵士山水冊頁四首

蟬
螢

蝸
蛾

張粵卿尚書贈詩索和謹步原韻奉答

退補齋詩存目錄卷十四 二
退補齋藏板

長安秋夕
他鄉七夕二首

漢陽門原詩十首
今存其五
平湖門

望山門
賓陽門

忠孝門
催菊四首

和白英觀察晚步長春園訪菊原韻

小春望前四日與白英觀察邀張月卿制軍曹穎

生中丞彭漁帆袁蓮峯兩觀察在紫藤仙館賞

菊暢叙甚懽漁帆首唱索和謹步原韻奉酬

阮賜卿太守解組歸揚詩以送之用漁叟原韻三首

退補齋詩存卷十四

今體詩

永康胡鳳丹月樵

己巳重修鄂垣正覺寺落成誌感

浮屠高七級土木及時興
幾見人成佛翻疑我作僧
寺中

住持無人此次世經千劫火
人拜九華燈
時逢七夕夕聽

到梅花笛登樓鶴共乘

法象馱經去沙門聖教興
借寺宇為書局校對員紳及

讎書欣得士托鉢苦無僧
院靜風吹鐸天高月作燈
恆

河沙數滿利用貴相乘

退補齋詩存卷十四

退補齋
藏板

萬丈圓光徹儒興佛亦興
皈依先孔聖物色幾詩僧
欲

僧之能文者住持地曠難為屋
宵長未滅燈
殿兩旁構

其中以供香火因緣香火結悟道
入三乘

又放光明界滄桑百感興
同心擎衆力不脛走諸僧
懶

祭書千卷
局中書蛩吟秋一燈
須知儒釋道三教本同

乘

病中口占
初秋六日

刁圭何處覓良醫瘦減腰圍祇自知
莫向青囊尋祕術

垂簾靜坐讀唐詩
連日摘錄唐詩藉以自遣

懶著烏靴懶著衣連朝無事掩雙扉滿園秋色花都瘦

惟有幽蘭蕊正肥相好頻來存問良可感也

二豎年年作祟頻停車久未出城闈卻因我病思民病

安得山鶩救溺人今年水患甚鉅貧民被難者絡繹來城思之慘然

何小宋方伯由楚北調授晉藩作此贈別

滔滔江漢擁旌旗十部棠陰溢口碑義粟仁漿都被澤

昨因鄂中患水詳請奏頒帑銀三十萬為賑飢修隄之用預發倉穀數千石以食餓者清風明月

本無私總理各局不參以私惟公能生明也鼎鐘績懋期千古琴鶴裝輕

懍四知白叟黃童遮道拜攀轅競祝去遲遲

退補齋詩存卷十四

二 退補齋藏板

驪歌忽唱楚江濱幾載同舟笑語親酒殘吟瓢懷舊侶

謂心泉鹿仙諸君南船北馬困勞人事能安命庸非福交到忘

形始見真遠送星軺從此去更誰為我指迷津

萍泛江城四載餘營巢聊借拙鳩居粗疏情性同頑石

落拓形骸類散樗賴有詩書敦舊好難忘梁棟庇吾廬

心心相印冰壺皎讓水廉泉共一渠

風雨長途渺太行那堪握別賦河梁同心不改松筠操

忠告何殊藥石良此後書勞蘇武帛從今座冷令公香

淚痕和墨恩恩寫珍重臨歧勸一觴

丁卯冬張子衡岳齡方伯赴甘泉任道出鄂江以

鐵瓶詩鈔見贈次年冬養疴歸里復過鄂又贈

新詩一卷作此奉答

回憶高軒過敝廬嶺梅明月帶花鋤西征一棹怱怱去

難忘風塵識面初

厭聽淒清塞上笳勞勞王事感年華歸來琴鶴堪娛老

更有新詩燦筆花

冬月初十日正覺寺禮佛圓光次前落成原韻

詎期逢吉亥寶相煥然興自笑雲游客相招劫外僧蓮衣

退補齋詩存卷十四

三 退補齋藏板

住西湖靈芝寺二十年因浙遭兵燹避地湘南又八年矣今欲歸武林道出鄂渚留之為本寺衣鉢天開

黃道日月映白蓮燈風雨停今夕因緣結上乘連日陰寒特甚

至是日天氣晴和晚復月明如晝次日又雨未必非佛光之擁護也

祭戟遙臨地威儀肅拜興是日撫藩臬以次齊集拈香班聯香案吏

掌合白頭僧蓮衣年已七十有四月醉尊中酒風寒殿上燈菩提

空色相無垢即真乘

圓光徵佛力世運際中興證果同三教吟詩得一僧恨

銷千劫火書讀十年燈莫戀西湖好仙槎快意乘

長至日待漏敬賦

班聯鄂渚集

丹除葭管春回大地初更漏丁東三

五夜星河咫尺

九重居風侵袍袖香煙細夢憶觚

棧

御柳疏一樣朝儀同舞蹈會陳荆楚太平書

思親疊前韻

瞻拜宗枋手被除水源木本溯生初坊題八烈象先德

堂號三新守舊居

三新堂七十餘楹先大夫道光十五年建造

揚顯敢誇

丹誥渥恩勤空望白雲疏一經世守鄉賢訓猶憶趨

庭課讀書

憶友再疊前韻

退補齋詩存卷十四

四

退補齋藏板

不慣寒暄拙未除吾行吾素返吾初半生文字疑同析
一室芝蘭樂共居須識交情真見淡豈無忠告數斯疏
盼他驛使通芳訊萬里梅花附尺書

訓子三疊前韻

倏忽韶華日月除冬來又屆一陽初好勤蛾術珍駒隙
漫戲豬奴曠燕居盼爾雲程千里遠防他風味一燈疏
硯田無稅兒知否努力芸窗讀父書

次王子壽比部見贈原韻

大文緯史又經經著作千秋筆不停蓋代鴻名高北斗

照人雅度豁南溟荆臺化被尼山雨君主講荆南書院萱閣暉

延寶婺星太夫人年逾九十精神康健為勸先生加一飯捷書報道

克涼陞昨聞探報甘涼一帶均已克復

已故王樂山太守入祀江夏專祠並其子燮僕人

丁貴吳福壽附祀

苾芬享祀妥英靈廟食千秋薦血腥如此功名真不朽

傲他富貴享遐齡

死忠死孝一時俱卞壺泉臺待卞盱兩箇奴星還報主

臨危不肯惜捐軀

退補齋詩存卷十四

五

退補齋藏板

當年浩劫墮紅羊多少城亡人未亡若使與公同一死

何愁俎豆不馨香

綸音優渥表精忠黃鶴樓邊廟貌崇毅魄英魂猶在目

頡教江漢振頽風

孟春杪正覺寺新栽楊柳車竹君廣文賦詩見贈

卽次原韻奉答

梵宇新栽幾綠楊淡雲微雨漏斜陽劇憐廢寺荒涼久

乞種濃陰護海棠大殿後院海棠將開臺畔種以楊柳

移根恰遇孟春時努力滋培仗住持願索楊枝清淨水

傾瓶灑遍萬千枝

陰鋪竹嶼與松潭遇雨移花學劍南

放翁賦有移花遇雨今種柳後次日

適逢甘雨漫謂甘棠留美蔭成林難似古優曇

原詩有移來便是召公棠

之句

山門佳氣鬱青葱綠柳扶疎閒碧桐

門外新種四柳兩桐

借問依

依緣底事照人青眼笑春風

和漁叟正覺寺種柳原韻並柬王若農觀察

數到花番廿四時丰姿搖曳繫人思濃陰移自王恭宅

管領春風第十枝

王若農觀察園中多柳樹乞取十株移種於寺之內外

退補齋詩存卷十四

六

退補齋藏板

曾種滇西十部棠飄然歸興鶴樓旁高情遠媿陶彭澤

五柳應栽綠野堂

和白英觀察餞春首唱原韻

千金一刻惜韶光何處尋花殿衆香惱我心情鶯語老

催人歲月馬蹄狂同舟共濟懷虛谷把酌相思寄醉鄉

讀罷陽春甘避舍敢持寸鐵敵長槍

疊前韻贈張鹿仙

紫藤花下漏晴光暢敘幽情笑語香客至都為蘭氣合

春歸莫學柳花狂君緣療病尋靈藥我每牢愁憶故鄉

佳節欣逢穀雨後試教茗戰鬪茶槍

再疊前韻贈彭漁叟

巋然衆望魯靈光展誦瑤編字字香歸詠好偕曾點樂
幽居高寄接輿狂恰逢修楔開三徑何幸飛觥醉異鄉
此日座中佳士滿何須竹種綠沈槍

三疊前韻簡漁叟白英鹿仙諸公

詩囊什襲發英光低首騷壇蕪辦香雅集聊酣元亮飲
豪情不減謫仙狂相逢舊雨聯新雨久別家鄉作異鄉
敢向文場爭勝負曳兵祇賸禿頭槍

荷花生日

暑雨連朝花事忙天教水國放晴光笙歌競奏橫塘曲
風月消磨夏日長翠袖薰香穿蛺蝶紅衣對舞拜鴛鴦
佳人雪得如船藕好作絲絲續命湯

回思畫舫泛西湖雲水鄉中錦繡鋪四壁名花香作障
一莖仙掌露為珠粉紅圍座嬌如滴笛碧傳盃興不孤
我自南船兼北馬芳辰幾度夢鳧趨

午日和彭漁叟五月菊

紫蝶黃蜂莫浪疑半生冷淡肯趨時少年幾輩誇新貴

佳節重陽許預支冒雨早消初伏暑傲霜猶賸去年枝
秋來更有籬東菊除卻陶公總未知

擬李白玉階怨

深夜靜無聲獨立玉階畔明月入我懷未許旁人看

擬李端拜新月

彎彎眉月上整襟拜堂前低聲問素娥鴛鴦何時圓

擬劉長卿彈琴

高山流水調千載遇鍾期爨餘留焦尾能得幾人知

擬賈島尋隱者不遇

退補齋詩存卷十四

八

退補齋藏板

落葉滿空山林深人跡杳閒雲歸未歸數聲聞啼鳥

題汪蓉垞遠孫徵士山水冊頁

純羹鱸膾正思鄉風景憑誰話梓桑紙上潮聲喧萬馬

臥遊一夕到錢塘內有錢江圖一幀摹寫夜潮
汨汨有聲令人動故鄉之感

滿幅煙雲淡墨光毫端不減米襄陽漫嫌片羽流傳少

賸水殘山十八章

玉軸牙籤萬卷儲無端浩劫付焚如
文瀾高閣今

何在卻喜君家得燼餘

清尊十載主詩盟餘事何妨畫得名寄語鯉庭勤護惜

摩挲手澤勝瑤瓊蓉垞一門風雅所刻清尊集名作如林其子子用大令攜畫冊徵詩故及

蟬

一生惟飲露高潔世無爭忽起悲秋思偏驚旅客情斜陽千萬樹暮雨兩三聲不忍頻傾耳臨風百感生

螢

莫謂流光小黃昏帶雨燃依人終未熟著樹渺無煙花徑追涼地芸窗伴讀年雷塘傷往事十斛撒珠圓

蝸

退補齋詩存卷十四

九

退補齋藏板

兩角雄爭勝蠕蠕觸與蠻結廬形跼促粘壁勢迴環殼待腥涎滿泥留古篆殷升高徒自苦知進未知還

蛾

蠢爾輕生物偏來暮夜飛鏡中眉窈窕燈畔影依稀蹈火徒傷勇投明詎見機婆心釵正拔救汝仗閨幃

張粵卿凱嵩尚書贈詩索和謹步原韻奉答

松柏森森施蔦蘿濃陰擁護滌煩痾儀型百辟人爭頌著述千秋永不磨天上星辰昭聞望中朝雅頌待賡歌倘教竟效東山臥其奈蒼生望若何

長安秋夕

銀河耿耿帶雲流，涼夜天街憶舊游。
更漏聽殘燕市月，杵砧敲碎鳳城秋。
書傳鴻雁三千里，夢繞蓬壺十二樓。
安得揚鞭偕計吏，隨將春色到皇州。

他鄉七夕

支機石畔水中央，一度相思一斷腸。
若使朝朝橋駕鵲，

何愁塵世有他鄉。

浮家泛宅巧相於，良夜團圍樂有餘。
余於丙寅秋攜眷赴鄂今五載矣

卻笑牛郎難免拙，不攜織女渡河居。

退補齋詩存卷十四

十

退補齋藏板

漢陽門

在省城西濱江

重門鎖鑰鬱崔嵬，繞郭江聲吼怒雷。
漢水合流斜渡鳥，

朝陽纔過夕陽來。

平湖門

在西

花隄十里草平蕪，
平湖門在花隄畔城外長江城裏湖。
一閘暗

通來去水轉轆轤，聲轉浪花麗。
自咸豐兵燹以後至今未開有一閘因時啓閉

望山門

在正南

巖岫參天萬笏齊，雙扉返照夕陽西。
青山笑客忙如此，

城外年年送馬蹄。

賓陽門

在正東俗名大東門

出東門去女如雲踏遍平疇草色薰薄暮歸來城半掩
風流裙屐帶斜曛

忠孝門

與賓陽門毗連俗名小東門

藹然忠孝炳嘉謨名教全憑隻手扶兩字懸門標萬古
怕人故意認模糊

催菊

風雨滿城花信遲漫教擊鉢賦新詩緣何蛺蝶頗窺豔
恐負佳辰九日期

退補齋詩存卷十四

十一

退補齋藏板

重陽未見白衣來莫向東籬酌酒杯縱使花奴敲羯鼓
黃華有意不先開

醉飲淵明酒一壺秋風冷淡着花無欲從籬下探消息
偏恨門前索欠租

番風廿四費評量老圃繁花色未黃不愛趨時偏愛晚
故留高節傲羣芳

和白英觀察晚步長春園訪菊原韻

斜日三竿欲下時春生杖履步遲遲半林風月無聲畫
滿幅琳琅絕妙詞曾學屈原餐永夕更邀陶令醉寒籬

由長春園回
寓小飲而散
天留晚節超羣卉不讓瑤臺第一枝

小春望前四日與白英觀察邀張月卿制軍曹穎

生中丞彭漁帆袁蓮峯兩觀察在紫藤仙館賞

菊暢敘甚懽漁帆首唱索和謹步原韻奉酬

擁篲開門客到遲銜盃同醉菊花時曠懷歸老追彭澤

佳句逢人說項斯杖履相從三徑晚風霜久鍊兩心知

忘年容我師兼友幾度推敲月下詩

阮賜卿福
太守解組歸揚詩以送之用彭漁帆廉

訪贈行原韻

退補齋詩存卷十四

七

退補齋
藏板

五年同宦武昌城忽唱驪歌送客行莫笑歸裝太蕭索

風流琴鶴一船輕

憶昔平山載酒游買隣何日共歸休思量廿四橋邊月

占盡江南第一州

別君太速識君遲珍重臨歧互贈辭
君宦楚北二十餘
年余自丙寅來鄂

始晤
君面算到歸期春有腳梅花閣上看花時

退補齋詩存目錄

卷十五

今體詩

辛未元旦咏雪柬白英鹿仙二公

元夕次日手足復麻屢荷故人存問作此誌謝柬

白英鹿仙漁帆諸公

讀擊鉢吟七集率賦絕句上郭遠堂中丞 六首

人日懷竹溪家兄代柬卻寄 二首

示五弟錦齋 二首

退補齋詩存目錄卷十五

一
退補齋
藏板

和彭漁叟咏牡丹原韻 二首

和幹臣軍門咏白牡丹黑牡丹原韻 二首

和何丈白英催開詩社原韻 二首

小園藤花初開招同人小飲並索和章 二首

何丈白英以詩枉謝芍藥玉簪兩花之贈即次原

韻奉和

謝同人預祝五十初度並索和章 二首

春杪泛舟漢陽即景 鷓鴣洲 晴川閣 月湖

南岸
沙包

北門渡

龍王廟

米廩

彭佩雙明府需次江南已十餘載今自白下來鄂

一宿遂行作此贈別

三首

和白英贈漁叟立夏後卽景原韻

懷竹溪家兄之病仍疊前韻

和何丈白英

萬壽宮慶祝禮成感遇述懷原唱再疊前韻

白英觀察錄漁叟詩見示三疊前韻奉和卽簡漁

叟

和詩甫就又讀漁叟

退補齋詩存目錄卷十五

二

退補齋
藏板

萬壽聖節詩四疊前韻酬之

今年詩社未開惟同人唱和之作鈔成四卷較去

春詩多數倍五疊前韻東社中同人

贈蓮衣長老退院步何丈白英原韻

伯雙部郎雨中過我小飲越日疊旄觴前韻見贈

依韻奉答

二首

和彭漁叟閨情二首仍步原韻

昨承何丈殷殷問病卽用漁叟過訪未值原韻奉

謝

和漁叟奉答見懷二律仍疊前韻

和劉幹臣端陽漫興原韻 二首

病後感懷寄竹溪磻溪兩家兄 三首

祝彭漁叟七十壽卽和述感七律原韻 六首

囊中琴 燈下棋

紙上書 壁間畫

和金眉生消夏雜詩原韻卻寄 四首

和陳心泉廉訪咏八老七律 八首

退補齋詩存目錄卷十五

三

退補齋藏板

退補齋詩存卷十五

今體詩

永康胡鳳丹月樵

辛未元旦咏雪東白英鹿仙二公

無端淑景一番新
匝地漫天不染塵
集霰聲敲簷際瓦

迴風花舞畫堂春
纔逢灞岸尋詩客
白翁出別歲詩見示又遇陶

家啜茗人
鹿翁來寓喜飲紅茶我似袁安高臥久
誰知庭院皎如

銀

元夕次日手足復麻屢荷故人存問作此誌謝東

白英鹿仙漁帆諸公

退補齋詩存卷十五

一 退補齋藏板

病體依然手足麻
良工何處覓醫家
擁衾屢惹故鄉夢

下顧頻勞知己車
努力未能加健飯
養心惟有學栽花

藥爐添火經冬久
枯樹回春望眼賒

讀擊鉢吟七集率賦截句六章上郭遠堂中丞

舊編讀罷又新編
字字精金百鍊堅
絕勝唐人詩萬首

霓裳同詠大羅天
自第一集至第七集通體皆七言絕句

擊鉢聲敲燕市北
猶留餘韻到東南
騷壇未易分高下

一顆驪珠萬手探

笑嬉怒罵總稱奇妙
手天成偶得之五十年來傳海內

言中有物物中詩

名作如林集一囊扶輪大雅仗汾陽品題聲價歸繩尺

那不臨風熱辦香

中丞自序云七集詩先擬題首唱郵致京華彙同眾作云云

天涯南北遞詩筒翰墨因緣付雪鴻七字吟成第七集

傳鈔合倩碧紗籠

久聞擊鉢成詩速詎敢淹留緩付刊

督催手民限三日刊刻成編

卷千金宏著作等身莫作等閒看

人日懷竹溪家兄代柬卻寄

六十餘齡一長兄衙官屈宋博微名窮途莫笑黃金窄

退補齋詩存卷十五

二

退補齋藏板

仕路猶欣青眼明

竹莊方伯關垂最切

棠舍分甘留樹蔭琴堂佐

績聽絃聲年華易逝如流水轉瞬都看白髮生

今朝七日稱人日荏苒光陰世閱人借病真堪藏我拙

得官猶復賀君貧

家兄現署太湖典史官清如洗猶前署舍山時

即今異地同

飄梗何日西湖共采蕪試陟高岡頻眺望吳頭楚尾幸

為隣

示五弟錦齋

心田須向本根栽蔓葉繁枝急翦裁美酒須留千日飲

好花難得十分開蹉跎馬齒居然老揮霍蚨飛不再來

我願棟華同鞞鞞莫教蜂蝶起疑猜
頭顱種種漸華顛擲卻光陰負壯年要識窮通都有命
得來餽粥總由天閒居莫學嵇康懶努力當揮祖逖鞭
異地幾經看草綠池塘春色正芊芊

和彭漁叟咏牡丹原韻

敢憑妙筆寫朝雲一顧傾城冠衆芬國色曾聞姚魏競
天香合共馬班熏平頭富貴剛三月滿眼繁華到十分
不惜逢人頻說項新詩傳誦到同羣

羣玉山頭玉立姿千金一刻惜芳時天然圖畫神難寫

退補齋詩存卷十五

三

退補齋
藏板

絕妙清平醉未辭考典不忘靈運記長歌猶憶樂天詞
小園花信逢春晚獨讓瑤臺錦滿枝寓園牡丹
尚未破萼

和幹臣軍門咏白牡丹黑牡丹原韻

琳瑯骨格雪肌膚如此丰神世有無梅萼含冰姿彷彿
梨花帶雨影糝糊鉛華洗盡胭脂色粉筆描成富貴圖
自詡蛾眉原淡掃不須綠葉共扶持

魏紫姚黃未許同漆園蝴蝶醉春風披緇謝卻塵為障
養晦方知色是空夢入甜鄉參幻相圖摹墨本奪天工
詩成猶賸金壺汁灑向瑤臺錦繡中

和何丈白英催開詩社原韻

陽春豔曲郢中歌展誦琳瑯一再過萬丈文光追李杜

千秋詩句妙陰何新紅綴樹香如海大白浮杯醉入魔

詩社未開開佛社菩提樹下念彌陀近日為正覺寺作觀音會

士女紛紛競踏歌清明時節又經過共推水部能詩者

爭奈相如善病何謂張鹿仙願祝騷壇招健將好尋覺路辟

愁魔春來且喜吟無恙拋卻參苓與蜜陀時余久病小愈

小園藤花初開招同人小飲並索和章

雙柯屈曲似蟠蚪花好圍成七寶毬春意早兼紅杏開

退補齋詩存卷十五

四 退補齋藏板

午陰濃接碧梧桐院有梧桐高與藤並千叢錦繡圍屏幃一串半

尼綴冤旒曾倩荆關描畫本披圖滿紙燦琳瑯余繪有紫藤仙

館圖題者甚衆

絕勝胭脂著色鮮夭桃濃李漫爭妍地成香國春如畫

天錫嘉名館是仙紅雨亂縈牆薜荔紫雲低壓架鞦韆

年年雅集從今續醉到花間第六筵余來鄂已經六載每遇花開邀同人

玩賞竟日

何丈白英以詩枉謝芍藥玉簪兩花之贈即次原

韻奉和

頻年鶯燕喜同巢

丹與大同
主權局

送抱推襟客漫嘲金帶腰

符名相兆玉釵聲聽美人敲約開舊社詩筒遞肯負良

辰酒盞拋報道齋頭新種竹龍孫漸茁需三梢

大寓齋
所種新

竹已解籜矣預
卜添孫之慶

謝同人預祝五十初度並索和章

歲月蹉跎感鬢毛宦游浪逐漢江濤身緣善病常思隱
壯不如人敢自豪結習半生惟翰墨論交幾輩是醇醪
服官愧乏涓埃補漫祝他時擁節旄

寵頒玉軸與瑤章慚愧樗材未敢當贈縞情逾僑札誼

退補齋詩存卷十五

五

退補齋
藏板

攜文熏到馬班香浮萍踪跡如蛩倚流水光陰似驛忙
待醉花間婪尾酒開筵莫道是稱觴

春杪泛舟漢陽即景

俄雨俄風浪滿汀聲聲柔櫓隔船聽遙看鸚鵡洲邊草

江水迴環一色青

鸚鵡洲

鶴樓東望羽衣鮮氣象崢嶸壓萬千祇有晴川堪對峙

江風吹縹蔚藍天

晴川閣

漢陽城外草繁蕪但許遙看近却無聽說當年好風景

月湖彷彿是西湖

月湖

柳條搖曳颺春風羨煞江干立釣翁一葉扁舟人未渡
絲絲微雨濕孤蓬

北門渡

半帆高挂夕陽紅來愛西風去北風多少舳艫緣岸鎖
銅琶高唱大江東

龍王廟

粒食年年貴似珠倉箱儲蓄待時需皖江賈客源源至
湘米稀來蜀米無

米廠

水迴南岸各分叉涇渭攸分疊浪花千萬風檣似林立
年年四月權新茶

南岸

沙包曩日是平皋近日無端泊海艘世變滄桑生百感

退補齋詩存卷十五

六

退補齋藏板

滔滔誰挽大江濤

沙包

彭珮雙

兆珂

明府需次江南已十餘載今自白下

來鄂一宿遂行作此贈別

十四年來不見君聯牀話兩倍殷勤班荆舊憶燕臺月

咸豐戊午在京時相與訂交

傾蓋新停鄂渚雲松竹性情敦古誼芝

蘭氣味吐清芬今宵好翦西窗燭樽酒重論李杜文

等是萍飄梗泛身清風兩袖不沾塵閒雲有約同歸岫

野草無名亦自春消我牢愁詩一卷期君後會酒千巡

多情最是江城柳青眼依依送故人

和白英贈漁叟立夏後即景原韻

擊鉢催成疊韻詩斜風細雨暮春時近日和陳伯雙生詩十疊原韻

來不受炎涼慣客裏頻驚歲月馳入室那堪貧病迫望

塵翻恨步趨遲天涯莫謂無知己願繡平原五色絲

懷竹溪家兄之病仍疊前韻

風雨同賡常棣詩花開鞞鞞憶當時別離兩地萍踪隔

珍重千金竹報馳昨命廉兒由陸路前往省視共被難忘姜氏煖歸

田翻悔大蘇遲加餐願祝身無恙好買延年續命絲

和何丈白英

退補齋詩存卷十五

七 退補齋藏板

萬壽宮慶祝禮成感遇述懷原唱再疊前韻

呼嵩願獻九如詩愧乏涓埃答 聖時就日未瞻仙

仗列時因病乞假臨風祇有寸心馳身隨蒲柳驚秋早夢繞

觚棱問夜遲匏繫江城游已倦漸愁攬鏡鬢添絲

白英觀察錄漁叟詩見示三疊前韻奉和即簡漁

叟

垂簾靜坐誦公詩禪榻剛逢病起時隔院鶯聲因雨阻

日久未晤天涯雁影望風馳家兄病太湖署中日望書至酒緣户小難成

醉花勒春寒却恨遲謂卓然子一未嘗能推薦一種閒愁消不盡擬

抽蕙劍斷情絲

和詩甫就又讀漁叟

萬壽聖節詩四疊前韻酬之

又讀青蓮

聖節詩辭官宛似在官時瞻

天日

近思難忘戀

闕情殷夢與馳舞蹈雖踈朝列久吟

哦猶愛夜眠遲風裁想見當年峻清比壺冰直比絲

今年詩社未開惟同人唱和之作鈔成四卷較去

春詩多數倍五疊前韻簡社中同人

今年詩較去年詩大勝香山結社時驛使須教來去疾

退補齋詩存卷十五

八

退補齋
藏板

吟朋幸免雨風馳停雲念舊情多感夜月留人睡獨遲
料得閉門還覓句同抽縷縷繭中絲

贈蓮衣長老退院步何丈白英原韻

海濶天空退步安滄桑都作等閒看一枰已了殘棋劫

九轉初成寶鼎丹洗鉢曾依流水活收帆最是順風難

晚年好靜渾無事不許閒雲出法壇

蓮衣退院後移
住東書樓下

伯雙部郎雨中過我小飲越日疊旌觴前韻見贈

依韻奉答

雄辯高談握麈毛胸襟瀟灑晉山濤元方雅有難兄譽

同甫能傾一世豪
咳唾隨風霏玉屑
普騰和雨沁香醪
平生落拓慚鴛劣
敢效馳驅託驥旄

兩蘇才學見文章
低首眉山孰敢當

君與仲耦品學同才識亦同

對

酒聯吟參母戰臨
風下拜熱心香頻
窺曉鏡憐身瘦
怕拆詩筒和句忙
今日呼嵩逢聖節
彤階共進

萬年觴

和彭漁叟閨情二首仍步原韻

粉閣垂簾月到遲
衣香花影夜深時
有心刺繡偏籠手
無意彈棋且拄頤
織錦空絨機上恨
落梅怕咏笛中詩

退補齋詩存卷十五

九

退補齋藏板

一年春色匆匆去
別有閒愁縮柳絲

一聲環珮玉珊珊
獨立瑤階祇自看
天迴有情留月照

宵涼無語惱燈殘
解人心事談何易
入世眉痕畫最難

願祝薰砧身早健
殷勤侍婢勸加餐

昨承何丈殷殷問
病卽用漁叟過訪未
值原韻奉

謝

腰腳冬來更不如
自春徂夏病難除
談禪便欲馴龍象

刊誤猶然校豕魚
舊雨元戎排小隊

謂穎叔

清風使者枉

高車自憐藥裏終
無補漫讀靈樞一卷書

和漁叟奉答見懷二律仍疊前韻

君子之交愛淡如寒暄世態早蠲除捲簾爐篆紫花鳥

隔院鐘聲答木魚催我聯吟頻擊鉢羨君安步當乘車

公屢徒步枉顧養生自著稀齡說不喜稱觴喜讀書公著七十自壽說意

在教人讀書

農圃生涯我不如蹉跎歲月任乘除非關總棧同駕馬

豈是臨淵羨巨魚座冷每懸高士榻門低偏碍故人車

頃接友人薦書求事者故及之宦游廿載嗟何補且讀從前未見書

和劉幹臣端陽漫興原韻

退補齋詩存卷十五

十

退補齋藏板

奚童折簡遞詩忙為詠端陽到夕陽傍晚適接來翰風俗何須

分楚漢情懷祇自傲羲皇五絲繡線翻新樣一笛梅花

送晚涼卻羨君才誰與敵頻磨盾墨埽詞場

終朝弄月又吟風詩不窮人人自窮午日疊和數詩殊覺窮困笑我

杜門聊守拙知君得句似成功貪看艾葉水邊綠妬煞

榴花裙底紅老眼張華差自負斗牛劍氣識雌雄

病後感懷寄竹溪磻溪兩家兄

漸覺霜華兩鬢催一官匏繫壯心灰為書債券頻磨墨

欲破愁城且舉杯竹報還期千里至梅花修到幾生來

呼僮試向風簾捲緩步階前踏綠苔

年到知非猶故我知非何敢想非非每懷欲罷將歸去

爭奈此身與願違柳岸風寒絲欲縮竹林雨溼筍初肥

明朝強欲開三徑私語園丁莫掩扉明日擬力疾銷假

祝彭漁叟七十壽卽和述感七律原韻六首

龍馬精神七十齡滄桑世變憶曾經滇池遺愛垂三世

公官於滇大嗣君繼之今年令孫又官於滇翰苑清班聚一庭公與同祖兄弟入翰林者

三爭羨家風流厚澤須知祖德有餘馨古來八百錢鏗

壽獨讓先生紹典型

退補齋詩存卷十五 士 退補齋藏板

摘豔薰香溯綺年筆為鋤耒硯為田敢言蕭傅知劉向

惟有曲江識浩然公弱冠時受知於林文忠公依母三遷勤問字幼

時太夫人教以識字買書萬卷不論錢等身著作關名教日月星

辰照滿天公著書宏富已刊行世者得若干種

耄年好學益勤求豈為功名讀未休秋桂早經蟾窟採

春風又向鳳池游公登道光壬辰賢書乙未成進士筍班茁玉排鷓鴣

劍氣衝霄射斗牛共說公才非百里士元偏屈小諸侯

公由庶常散館初選順天知縣厥後揀發雲南知縣升永昌府知府乞病後奏擢迪西道加臬使銜

不許紅塵半點侵歡迎父老感難禁一心慈惠呼賢母

滿耳絃歌奏雅音
苗格七旬欣舞羽
公守永昌時土司擾亂勤撫兼施民

賴以安網開三面異從禽
滇南回首循良績
萬口碑傳直到今

到今

萬樹棠陰去後思
歸來猶是美鬚眉
滿園花鳥饒天趣

一舸琴書足自私公構養園為藏書之所
箋擘琳琅詩旖旎
樓吞

江漢水參差公於養園之南建一樓可眺江漢
如公便是神仙福不羨

淮南拔宅時

許通詩夢到池塘
雜誦箴言未敢忘
公示養生之法嘗以四箴見勗七

十年華猶卻杖三千珠
履待升堂階前蘭桂延齡草
嗣

退補齋詩存卷十五

十一

退補齋藏板

器之觀察善於養親能博堂上歡娛
架上詩書養性方
照眼榴花紅似錦

開筵同醉九霞觴

囊中琴

賞音誰是蔡中郎
爨下焦桐什襲藏
脫穎毛生曾共處

無絃陶令不須張
閒依螢案書千卷
冷占松陰雨一牀

清宦從來惟伴鶴
他年留取壓歸裝

燈下棋

疎簾清簟雨聲聲
深院何人剔短檠
要使滿枰分黑白

須從一着決輸贏
箇中自有通神技
局外偏勞急劫驚

耐得秋宵涼似水燈花敲落又重生

紙上書

書家有筆大如椽六草三真競摩牋透紙魯公光日月
臨池米老散雲煙龍蛇早蓄飛騰勢雞鶩須防好尚偏
惟有正心能正筆千秋高論柳誠懸

壁間畫

四壁風生翰墨香畫收山水到虛堂無聲花鳥供吟弄
入化煙雲付莽蒼靜對如逢黃子久卧游不碍黑甜鄉
神龍拔宅終飛去未許人間什襲藏

退補齋詩存卷十五

十三

退補齋
藏板

和金眉生消夏雜詩原韻卻寄

慣讀靈樞一卷書朝來攬鏡髮慵梳尊落拓懷知己
詩律推敲賴起余菡菑風來思淡遠芭蕉月上夢蕭疏
韶光彈指愁年老且願知非學衛蘧時余年四十九

南薰不熱子陵裘千古高風第一流笑我卑栖頻樞伏
輸君勇退早帆收故鄉每憶純鱸好何日追陪杖履游
屈指佳期臨七夕小園花信報牽牛

紫藤花下寄閒身貪購奇書不厭貧未上騷壇先避舍
頻探學海苦迷津閒看江漢烟雲幻夢想廬山面目真

夜半蛩聲喧四壁飄然秋思引歸人

鶴樓又讀謫仙詩覓紙傳鈔喚侍兒好友終無常見日

名花只愛半開時喜吟大復清新句謂何白英擬和張炎婉

媚詞謂張鹿仙風雨重陽休負約茱萸留待泛瓊卮

和陳心泉廉訪咏八老七律八首

裘馬無心羨少年蠹魚食字欲成仙韶光轉瞬已非昨

著作等身空自憐世味飽嘗添白髮家風依舊守青氈

冬烘頭腦君休笑時向窗前手一編老儒

回首沙場壯歲過匣中劍氣半銷磨逍遙策蹇韓忠武

退補齋詩存卷十五

十四

退補齋藏板

矍鑠憑鞍馬伏波矢縱三遺丹恁在身經百戰箭瘢多

君恩如詔頻陽起王翦何嫌兩鬢皤老將

風塵鞅掌敢辭勞一命榮華且濫叨仕本為貧甘冷淡

考頻書下漫牢騷耳聰差幸能聽鼓手筆從來不弄刀

偏是老成諳故事傳聞相國出功曹老吏

星星白髮丈人行課雨占晴力作忙半世辛勤棕笠影

一生消受稻花香雞豚社裏扶殘醉碣磳村邊臥夕陽

時與隣翁同笑語篝車比戶慶豐穰老農

半世生涯占釣磯春江水漲鰕魚肥扁舟澤畔自來去

萬事人間無是非唱晚教吹新竹笛傳家高挂舊蓑衣
渭川卻笑垂綸叟一上徵車便不歸

老漁

鐵冠欹側髮飄蕭認得秋風谷口樵古渡寒霜行脚健
滿山明月壓肩挑爛柯石上棋千劫黃葉林中酒一瓢
卻喜名山都識遍餐霞仙侶定相招

老樵

彌勒同龕證夙緣蒲團靜坐已忘年寒爐煨芋留殘火
清晝垂簾颺宿煙幾閱滄桑逢客話偏持衣鉢向人傳
記曾手種菩提樹一滴楊枝灑大千

老僧

奴星莫道命官妨老去猶堪託紀綱腰脚還如同伴健

退補齋詩存卷十五

五

退補齋
藏板

頭顱漸比主人蒼幾家門第談新眷往日屏風笑屢僵
愧煞世間牛馬走報恩不解性炎涼

老僕

退補齋詩存目錄

卷十六

今體詩

穎叔惠福建肉勻岐山挂麩賦此誌謝 二首

諫果二十六韻

李香洲學博出富川同聲集詩鈔見示用集中閒

興原韻奉贈 二首

題李香洲棲雲山房詩鈔仍疊前韻 二首

五十初度 四首

退補齋詩存目錄卷十六

一 退補齋藏板

和子嘉廉訪見贈七律原韻 二首

子嘉寄寓江陵時將旋歸作此送別仍疊前韻 二首

答惺齋廣文姪以詩代柬 六首

楚中端陽雜咏 十首 傀儡戲 四首

和漁叟七十生日自嘲詩原韻 二首

曩以石首魚枇杷鮑漁叟猥蒙詩謝次韻奉答

月卿尚書和子嘉寄懷詩見示謹次原韻言志 二首

壬申秋初招瑞峯上人為正覺寺住持力辭主席

以詩見贈即步原韻代柬 二首

瑞公主正覺寺仍疊前韻誌喜 二首

子箴都轉約友人謁曾文正公祠並游惜陰書院

賦詩見眎惜未同往依韻答之 二首

讀子箴二知軒近作仍疊前韻贈之 二首

京師晤別忽忽十年再疊前韻贈子箴 二首

贈瑞安孫琴西廉訪三疊前韻 二首

贈安陸彭佩雙明府四疊前韻 二首

贈秀水莊守齋觀察五疊前韻 二首

金陵雜詠 十一首

退補齋詩存目錄卷十六 二

退補齋藏板

余自白下回楚彭佩雙莊守齋二君送余出關守

候輪船同宿江干一夕賦此誌感

舟過皖城

舟過潯陽晤許星台觀察賦此話別

舟過馬當石鐘山水淺停泊

湖口夜泊潯陽卽景

樊口葉家洲

葛店青山

抵寓

退補齋詩存卷十六

今體詩

永康胡鳳丹月樵

穎叔惠福建肉勻岐山挂麩賦此誌謝

一盤堆玉屑紅似碎珊瑚味配青精美涎流皓齒酥侯
鯖同馥郁市脯遜芳腴不忍猪肝累貪饕笑老夫

粉色白於雪岐山千里來分明銀縷細錯訝素絲裁菜
煮東坡鼎羹調張翰杯何須香積飯美味得重回

諫果二十六韻

果豈能知諫褒嘉取義嚴佳名忠字並小品食單添結

退補齋詩存卷十六

一

退補齋
藏板

實煙霞錮培根雨露露珍奇南國產顰感北人嫌自詡
孤標挺曾從直道漸鏤瓊儕綠橘撒雪配紅鹽味任酸
醜別膚還續密覘冰霜經百鍊頭角露雙尖解渴脾先
沁回甘舌未厭圓形通橄欖至性脫涼炎真賞懷山谷
閒情話子瞻讀書參夜室佐茗淪風簾豈碍饒涎湧休
教苦口箝伐檀同勵節咽李笑鳴廉戒使邪蒿遠讎堪
佞草殲鳳酥貪咀嚼魚鯁矢鍼砭玉液探喉潤金盤信
手拈哀梨應比爽崖蜜卻輸甜制毒剛能克含香氣自
恬精誠符栗戰辣性異薑纖願作芻蕘獻來從草莽潛

予求予取廣汝翼汝明兼美意心胸領餘芬齒頰黏轉
圓乾德合存碩刹爰占虛白芳籠袖披丹
上賜練

臨軒懸鐸待颺拜百工簽

李香洲學博出富川同聲集詩鈔見示用集中間

興原韻奉贈

閒於老鶴靜於僧
歎侶騷壇許共登
千里往還惟翰墨
深宵酬答一寒燈
江湖去雁三秋遠
風雨鳴雞百感增
自古髯蘇工疊唱
而今韻事又重興

咳唾生風響不沈
同聲何幸許同心

余在皖鄂刻同聲集三十三卷客

退補齋詩存卷十六

二

退補齋藏板

中踪跡鴻留爪
林下風流鶴在陰
一顆驪珠探萬手
三秋蛩語答長吟
樓頭聽譜梅花笛
好約青蓮載酒臨

題李香洲棲雲山房詩鈔仍疊前韻

浮生我是打包僧
敢向蓮臺躡屩登
閱世愁添雙鬢雪
讀書悔負十年燈
才華司馬雄無敵
意氣元龍老更增
莫謂廣文官獨冷
承平雅頌際
中興

一聲清磬夕陽沈
洗卻塵凡物外心
室有芝蘭承舊澤

門多桃李樹新陰

詰嗣現官德郡司訓

暮雲北塞蚰螭遠
秋雨西

堂蟋蟀吟覲面
匆匆旋話別
漢江何日約重臨

五十初度 并引

韶光駒過無計扳留老態龍鍾漸形疲癯十八
年燕雲楚雨輒用驚心三千里榆社梓鄉何堪
回首舊學則荒蕪日甚從官則建樹全無作江
湖之散人身將隱矣悅親戚之情話歸去來兮
茲屈始滿之辰愧值無聞之歲率成俚句聊當
引喙敬冀斧斯曷勝榮感

歲月蹉跎五十春塵緣未了問前因詒謀詎敢忘安定
守邨馬能倣買臣卧尚枕戈思起舞歌雖彈鋏不嫌貧

退補齋詩存卷十六

三

退補齋
藏板

未知初服何時遂常作康衢擊壤民

我來鄂渚七春秋萍梗依然水上浮皓月臨江知浪靜

閒雲出岫任天留

丙寅由候選道來鄂檄
辦綜理釐局已留楚

祇愁鉛槧迷

魚豕未任馳驅愧馬牛

辛未秋交卸釐務
仍督辦崇文書局

屈指無聞今

漸老三年蓄艾病奚瘳

今日知非已覺遲夕陽頻見樹陰移舊句搜羅書畫藏千

卷準擬園林樂四時為愛延賓常釀酒無多好語卻耽

詩生涯冷淡材樗散底事來侵鬢上絲

頭銜早署信天翁夷險忘懷萬念空閱盡炎涼知世態

漫云憂樂與民同，熱腸翻覺心多累。聰聽何如耳學聾，分付妻孥休問歲。年年試看露桃紅。

和子嘉廉訪見贈七律原韻

苔岑契合竟忘年，海論交意邈綿綿。好景易過花月夜，

故人難得雨風天。余居與君僅隔一卷，每日過從風雨無阻。詩詞雅似蘇同

叔。君生平最重坡公，所作詩詞亦如之。畫本工於趙孟堅。趙子固善水墨，白描君畫亦不

喜着我亦聞雞思起舞，着鞭輒讓祖生先。

蓬瀛縹緲隔烟寰，憶否翔翔紫禁間。樹種滇南棠

蔽芾。官雲南鹽法道，六載士民感之。雲歸江上水迴環。君如仲舉常留

榻，我學橫渠且訂頑。多少蒼生望霖雨，斯人未許臥東

山

子嘉寄寓江陵時將旋歸作此送別仍疊前韻

洲前芳草綠年年，風雨愁人未脫綿。時屬暮春，雨連日。萬里歸

來雲鶴伴。令兄漁叟先由池西歸田。連宵話到曙雞天。每晚深談，自夜半回寓。自

慚蒲柳衰姿見，卻羨松筠晚節堅。老驥無須嗟伏櫪，鴛

駘十駕敢爭先。

真隱何須謝宇寰，卧游山水畫圖間。近日求書畫者竟似山陰道上君，善

繪蘭竹惟山水尤貴。雪泥祇賸鴻雙爪。為余題古名人墨跡。杯影難留月半

退補齋詩存卷十六

四 退補齋藏板

環歸期定得此良朋真直諒無多知己更踈頑送君擬

於月杪

學依依柳一路青過大別山

答惺齋

摺中

廣文姪以詩代東

時官奉順學教諭

自恨年時馬齒增浮生虛度百無能邇來問我忙何事

半作閒官半作僧

近日為正覺寺初開叢林

宦海茫茫水易波人生行樂問如何浪夸富貴饒滋味

墮入紅塵總着魔

明月清風不用錢聊將仕隱傲神仙今年縱比去年好

手足依然病未痊

退補齋詩存卷十六

五

退補齋藏板

桃花谿畔樹千叢猶記花開夾岸紅我欲南歸閒把釣

此生長伴老漁翁

霜痕漸漸上人頭虛度光陰五十秋宦味遍嘗偏愛淡

一盤首蓿勝珍饈

千里迢迢鴻雁踈萬金難買一封書行人臨發言難盡

信口吟詩寫尾餘

楚中端陽雜咏

萍踪飄泊戀他鄉回首家山道阻長我欲思歸歸未得

江城匏繫七端陽

頻年此地看龍舟金鼓喧闐不休恰笑泥龍行地上
無心競渡泛江頭

家家遍貼赤靈符道士忙書紙上朱聽說使君能辟癘
果然威震鬼方無

面目居然縛草為將軍恰似虎頭癡誰知靈藥堪醫世
藏器三年且待時

菖蒲生長水雲鄉無數魚依綠葉旁小草休言無用處
懸門也許引年長

為人壓線更加工刺繡年年課女紅五色休誇花似錦
退補齋詩存卷十六

六
清香盡在一囊中
藏板

入時新樣製齊紈倏忽風生解合歡問到前身圓似月
比來郎面更團圓

自愛香羅着體輕皚如雪白太分明葛衫爭學黃塵色
多少工夫織得成

一樽美酒泛雄黃家宴團圓喜共嘗笑看妻孥盡沈醉
祇儂醒眼獨清狂

欲求益智豈無方黍米和酥製最良更把層層菰葉裹
莫教圭角露鋒鋟

傀儡戲

不唱吳歛唱楚歌清音嘹亮舞婆娑人生本是戲中戲
請看登場傀儡多
隨身竿木慣逢場別有機心妙主張終日勞勞緣底事
為人作嫁一生忙
矮小身材備五官居然博帶又戎冠莫嫌木偶終無用
座上人應作是觀
生來足不踏塵寰槁木形骸似我頑客散酒闌高閣束
此身贏得是清閒

退補齋詩存卷十六

七

退補齋
藏板

和漁叟七十生日自嘲詩原韻

氣味芝蘭忝最親躋堂大半是同人扶持撰杖鳩偕祝
歡笑垂簾燕不嗔四壁琳琅羅鉅製滿床牙笏集嘉賓
古來七十稱稀少南極星明拱北辰

忘年有序敢言文幸不人云我亦云聽說霓裳天上奏

可容絲竹後堂聞

華堂演劇未得
躬聆故戲及之

論文曾許心相印避

客何嫌手暫分始悟閉門緣覓句傳來健筆壓淵雲

曩以石首魚杞鮓漁叟猥蒙詩謝次韻奉答

尋常投贈報琪瑰

曾子固有字字
頌琪瑰之句

恰好新詩帶雨來沁

齒應同梅子熟烹鮮已過棟花開曾聞定海魚為市首石

魚來自定海苦憶吳山錦作堆杜杞自洞來歸興忽因佳什動

吟成隔院暮鐘催

月卿尚書和子嘉寄懷詩見示謹次原韻言志

欲從宦海泛歸槎壯志消磨髮已華幸遇元亭容問字

拙作屢承指示擬隨靖節學栽花公歸後新修復園日以栽花為樂澆殘碑礪

樽中酒寫盡離愁夢裏家悟徹秋聲鳴萬籟莊生有論

似污注

難忘馬磨許文休底事囊空漢上游籬菊未開能耐晚

退補齋詩存卷十六

八 退補齋藏板

庭梧易老早傷秋無多知己盟鷗鷺懶為兒孫效馬牛

邇日風高江浪急片帆我欲及時收

壬申秋初招瑞峯上人為正覺寺住持力辭主席

以詩見贈即步原韻代東

遠離塵世自然安請向沙門仔細看璞玉不雕終是石

精金待煉始成丹功虧一簣為山易正覺寺殿宇齊修未成功者山門及

天王殿數處竹種千竿問主難倘戀幽居娛暮齒憑誰與我

護香壇

紫霞寄住一身安瑞公住紫霞觀有年打破名心放眼看暗裏乾

坤誰轉磨空中樓閣已流丹

正覺寺毫無產業余頗抽重修之皆募化而成

野筍偏爭長欲種菩提却是難我勸遠公出巖岫羣寮

引領望登壇

瑞公主正覺寺仍疊前韻誌喜

夙仰彌天釋道安飛來錫杖大家看閒雲襟抱如澄水
滿月容顏勝渥丹閱世太深憂世切談禪容易悟禪難
憑君廣說無生法花雨從今落石壇

祇園有主寸心安石上三生為我看但許常依彌勒座
何須遠覓葛仙丹詩逢齊己吟懷合馬遇支公駁骨難

退補齋詩存卷十六

九 退補齋藏板

且喜迷津資導引同參玉版證經壇

子箴都轉約友人謁曾文正公祠並游惜陰書院

賦詩見眎惜未同往依韻答之

恩賚非常寵崇祠氣象閎鷓鴣容列隊猿鶴漫相迎

是日

同往者皆江南司道房杜隆師傅機雲好弟兄

公之四弟殉難江南已入昭忠祠

千秋留偉業碩輔邁阿衡

未攬鍾山勝江波夕照春門牆容托足經籍早羅胸

謂薛

慰農山長刊謬燒殘燭敲詩倚短筇河汾尊講席桃李滿城

濃

讀子箴二知軒近作仍疊前韻贈之

登堂窺峻宇氣概自魁閎詎料元龍度偏勞野鶴迎二
知風以雅四海弟兼兄布鼓猶暗啞雷門敢抗衡
好語千金鑄靈丹萬杵舂匡廬留面目江海拓心胸每
醉青蓮酒時攜玉局筇騷壇真健將吟興老猶濃

京師晤別忽忽十年再疊前韻贈子箴並述鄙懷

不親黃叔度誰識海天闊入座謙光挹逢人善氣迎無
緣休說佛有石且呼兄竊願依喬木庸材不自衡

回憶桃溪勝門前水自舂

余家居永康桃溪

萍浮難插腳茅塞

退補齋詩存卷十六

十

退補齋藏板

已盈胸厭聽官衙鼓將扶野老筇揚州明月上照向楚
天濃

贈瑞安孫琴西

衣言

廉訪三疊前韻

剔盡魚鹽弊持網答

九閔持躬還質樸處世絕逢

迎徐孺忘賓主蘇髯有弟兄

令弟渠田學士十年未晤

調梅膺

帝簡三接握鈞衡

由江南鹽道新授安徽臬司

瘦鶴憐多病聲聞樂杵舂

日昨偕遊莫愁湖因感冒服發散藥始愈

寒涼

風刺骨礪磊酒澆胸北上君迎

詔南歸我曳筇

赴都陛見

甘棠留白下蔽芾蔭方濃

贈安陸彭佩雙兆珂明府四疊前韻

廿載吳中吏名齊洛下閱樽開名士滿鶴向故人迎燕

翼詒孫子今春喪子僅留一孫在錫原幾弟兄京同盟者五人哀

皆歸道山今存者惟余與佩雙耳笱陔周東珊張韻泉青雲須努力期爾到台衡

寓館隣甘露鐘聲夜半春佩雙寓狀元境與甘露庵相近浮沈原有命

芥蒂莫留胸贈乏千金劍歸攜七尺筇憐余真拙宦鄉

思夢方濃

贈秀水莊守齋祖基觀察五疊前韻

魚鹽隱膠鬲事業邁顛閔前官江西知縣今擢道員總理鹽旗事務不遂鷺

退補齋詩存卷十六 士 退補齋藏板

鵝隊欣逢猿鶴迎君誠三益友我愧十年兄君年四十五

矣始結苔岑契棲遲喜望衡

楚吳千里隔一水浪濤春舊雨來今日層雲盪此胸重

逢難判袂未老試銘筇莫戀他鄉好純鱸味更濃

金陵雜咏

儀鳳山南水倒流乘潮日日泛輕舟菰蘆滿載城中去

祇怕西風急打頭

早西門裏幾人家鴉鵲無聲夕照斜滿眼荆榛迷瓦礫

行人莫辨路三义

鐘阜崔嵬未一登遙看寒翠疊峻嶒無多木葉蕭蕭下
山外人家雲半層

孝陵鬱鬱峙佳城銅狄摩挲沒棘荆荒土一坏憐寂寞
玉魚金盃杳無聲

劫餘何幸樹成林枝幹蕭森萬籟沈脫去塵容留妙相
一僧荷笠卧松陰妙相庵在北山之南古木數十株巋然獨存

清涼石上月黃昏劫後殘灰掩白門河水有聲聽嗚咽
寒風淒斷美人魂

楊枝一滴露流甘佛國欣逢大亂戡甘露庵向為合肥相國未第時寓廬
退補齋詩存卷十六 十一 藏板 退補齋

兵燹遭毀相國重修並題額以誌緣起 二十年前無客到而今豔說李家
庵

淺水停篙草滿汀無多玉樹嘆凋零沿河間聽琵琶曲
不是當年金縷屏

平蕪何處認隨園遺址荒涼今尚存七百梅花留一樹
暗香疎影總銷魂

烏衣巷口卧斜陽華屋都成瓦礫場王謝堂前何處是
更無燕語話淒涼

淮清橋畔綠盈渠漫把青竿立釣魚縱有流鶯歌百轉

六朝金粉賸邱墟

鈞魚卷在
鹽道署東

余自白下回楚彭佩雙莊守齋二君送余出關守

候輪船同宿江干一夕賦此誌感

儀鳳城南夕照曛江干話別悵離羣無端重憶樓頭鶴
有約同歸岫裏雲對酒捫胸澆魂礪臨歧握手語殷勤
雷陳風誼今餘幾如此交情到十分

舟過皖城

七年不到皖公山廬舍依然郭外環塔頂浮雲纔過眼
城中舊雨未瞻顏

謂裕壽山王
與軒諸公

牢愁每為聞雞起高蹈

退補齋詩存卷十六

十三

退補齋
藏板

關
何如野鶴閒

謂李季
荃觀察

翻恨輪舟行太急須臾又過集賢

舟過潯陽晤許星台 應錄 觀察賦此話別

憶別春明十七年萍踪南北判雲天我如飛鳥還知倦
君似騰驤猛着鞭縱有尺書敦夙好何如一面訂前緣
潯陽江上匆匆別楓葉蘆花思渺然

舟過馬當

上水無風費主張江神相助片帆揚子安倘使乘洋泊
頃刻工夫過馬當

石鐘山水淺停泊

千里安能一日期石鐘山水遲遲不愁深處偏愁淺
夜半停輪月上時

湖口夜泊

連日東南風怒號長江水淺不盈篙隆冬將盡天無雪
起視蒼穹明月高

潯陽卽景

霜林掩映色蒼茫愁絕寒風客夢長卧聽琵琶彈未已
水聲嗚咽和淒涼

樊口

輕舟不覺過樊山紅樹扶疎夕照殷欲倩倪黃濡畫筆
暮雲深處寫煙鬟

葉家洲

竹籬茅舍幾人家無數閒鷗踏淺沙忽聽牧童牛背笛
聲聲吹出夕陽斜

葛店

飛仙昔日鍊金丹手把青芝曬藥壇借問葛公何處去
獨留風月對平灘

青山

風斜雨細聽漁歌千古清風湖志和半世生涯雲水樂
傳家可有舊青蓑

抵寓

千里歸來倍有情雙雙稚子候門迎忙呼姊妹齊聲問
一日輪船走幾程

退補齋詩存卷十六

五

退補齋
藏板

一日歸帆夫幾程

千里歸來倍有情雙雙稚子候門迎忙呼姊妹齊聲問

抵寓

千里歸來倍有情

風斜雨細聽漁歌千古清風湖志和半世生涯雲水樂

青山

自跋

余少從張西潭師游初學韻語興之所至不求甚工以未窺古人門闥為憾逮弱冠後之杭之蘇之齊之燕復由燕而皖而鄂南船北馬漸成老蒼其間離別之感聚會之樂與夫目擊時艱身世蒼茫之感往往馳騁烟墨藉據鄙懷以故敝帚之享居然成編共存詩七百餘首思有以刪訂之而未遑也同治戊辰晤監利王子壽比部出稿就正僅刪咏物詩十餘首陳心泉廉訪庚午來鄂又刪去雜感詩三十餘首今年夏林穎叔方伯自秦

退補齋詩存卷末

自跋

一

退補齋藏板

中奉諱回閩過鄂小住相得甚懽因檢舊稿求為訂定穎叔竭數日之力朱勒墨乙沙汰過半益以近作三百三十一首共存詩七百餘首豈穎叔之與王子陳子嗜好有不同歟抑穎叔獨肯直言有異於王子陳子歟余足跡半天下遇文人學士無不折節相交以冀獲事賢友仁之益然欲如穎叔之多聞而兼直諒示我矩矱而範我馳驅戛戛乎百不一見焉今乃邂逅得之何其幸歟雖然瓦缶之音不登清廟樗櫟之質難成棟梁穎叔之愛我深矣顧自今以往恐余之有負於穎叔者終未

能登古作者之堂以勉副所望也余滋愧矣同治十二年癸酉二月退補齋主人月樵自跋

昔唐楊綰為文不輕示人而魏丁敬禮嘗求人定其文夫不輕示人者自信其文者也求定其文者自疑其文者也月樵為詩一就正於子壽再就正於心泉猶未能信而必質疑於穎叔且以朱勒墨乙沙汰過半為獨得直諒之友月樵之勇於自修如此其進豈有諒乎吁足畏矣

何國琛

月樵詩皆可傳余為刪存祇此數以古人之傳待月

退補齋詩存卷末

自跋

二

退補齋藏板

樵也月樵不余妄而意彌恭多聞余何敢直諒則願以共勉自古人多堅於自信如月樵者即求諸古人何可多得况所詣已造於古人耶

林壽圖

穎叔之直諒不易得而君之虛心尤不易得也惟善人能受善言學問經濟皆必如是而後成論詩其小焉者也月樵勉乎哉月樵不可及矣

彭崧毓

昔唐楊綰為文不輕示人而魏丁敬禮嘗求人定其

年癸酉二月退補齋主人月樵自跋

能登古作者之堂以勉副所望也余滋愧矣同治十二年

